

բողոքները մի հատուկ խավ են կազմում, որոնցից արդարամտություն ակնկալելը դառնում է անհնարին, բ) Կենտրոնական կառավարությունը հայերով բնակեցված վիլայեթները «վտանգավոր է համարում», ուստի և զիմել է հայերի թվական կազմը նվազեցնելու միջոցներին: «Նկատելի է, որ համիդյան շրջանի վտանգավոր քաղաքականությունը զուլա է բարձրացնում նաև սահմանադրության շրջանի կենտրոնական իշխանության քաղաքականության մեջ»:

Հուշագրում բերված են փաստեր հողային հարցում տիրող ապօրինություններին, հայկական շրջաններում ապօրինի հարկահանությունների մասին և այլն: Հայերի իրավազրկման ու ճնշման փաստերի ֆնտությունը ցույց է տալիս, որ «ամբողջ իրավիճակը հետևանք է ոչ թե դատական, զինվորական և վարչական առանձին պաշտոնյաների հոռի վարմունքի, այլ պետության կողմից նախապես վճռված քաղաքականության»: Ապա արված է ընդհանուր եզրակացություն, թե «այս բոլորն անհնարին է դարձնում նորմալ կյանքը և կասկածի տակ դնում սահմանադրական վարչակարգը»: Ուստի առաջարկվում էր, որ կառավարությունն անհապաղ ձեռնամուխ լինի հայկական նահանգներում բարենորոգումների ծրագրի կենսագործմանը:

Դաշնակցության ղեկավարությունը, կառչած մնալով փարիզյան համաձայնագրին, 1909 թ. օգոստոսին երիտթուրքերի կոմիտեի հետ ստորագրեց մի այլ համաձայնագիր, որով կողմերը պարտավորվում էին պահպանել պետության տերիտորիալ ու քաղաքական ամբողջությունը, պայքարել սահմանադրությունն անշեղորեն իրագործելու համար և այլն: Համաձայնագիրը եղբարակվում էր հայտարարությամբ, թե երկու կուսակցություններն, իրեն խրատական նախազգուշացում են ընդունում մարտի 31-ի հեղաշրջման փորձը և Ադանայի աղետը, որոշում են «ձեռք-ձեռքի տված» աշխատել ստանձնած պարտավորությունների իրագործման համար¹⁷: Համաձայնագիրն ստորագրելուց հետո դաշնակցությունը 1909 թ. սեպտեմբերի 1-ին պաշտոնական հայտարարություն հրապարակեց, թե ճանաչում է օսմանյան պետության անկախությունը և ամբողջականությունը, Արևմտյան Հայաստանը նկատելով որպես կայսրության անբաժան մասը¹⁸:

2. ԱԶԳԱՅԻՆ-ԱԶԱՏԱԳՐԱԿԱՆ ԵՎ ՍՈՑԻԱԼԱԿԱՆ ԾԱՐԺՈՒՄՆԵՐՆ ԱՐԵՎՄՏՅԱՆ ՀԱՅԱՍՏԱՆՈՒՄ ԵՐԻՏԹՈՒՐԳԵՐԻ ԿԱՌԱՎԱՐՄԱՆ ՏԱՐԻՆԵՐԻՆ

1908 թ. հեղաշրջումից հետո էլ Օսմանյան կայսրության բոլոր մասերում պահպանվեցին անձի և գույքի անապահովությունը, ազգային հալածանքները, հարկային հարստահարումներն ու ճնշումները: Աշխատավոր զանգվածները կրկին բռնեցին ազատագրական պայքարի ուղին: 1908—1914 թթ. արաբական երկրներում տեղի ունեցան բանվորական և գյուղացիական մի շարք ելույթներ, որոնց նպատակն էր ազգային հարցի հետ միասին լուծել նաև սոցիալական խնդիրները: Նման շարժումներ բռնկվեցին Բալկաններում, Կրետե կղզում և Քուրդիայի այլ մասերում:

17 Տե՛ս «Ազատամարտ», 1909, 24 օգոստոսի:

18 Նույն տեղում:

Աղատագրական պայթյար ծավալվեց նաև Արևմտյան Հայաստանում, որի սկիզբով մասնակիցները քաղաքի ու գյուղի աշխատավորներն էին։ Դեռ 1909 թ. զարնանը, երբ գահընկեց արված Արզուլ Համիդ II-ի փոխարեն սուլթան հռուշակվեց Մեհմեդ V-ը, Վանի հայերը մայիսի 1-ին դուրս եկան ցույցի և բացականչեցին։ «Մենք չենք զոհանալ Համիդի փոխվելով ու Մուհամմեդի նրստելով, մենք պիտի ձգտենք թագերի կործանման»¹⁹։

1909 թ. հունիսի առաջին կեսին ըմբոստացան Վանի հացթուխների աշակերտները, պահանջելով սահմանել հանգստի օր։ Իշխանությունները դատարան քննչին աշակերտներին, սակայն հանդիպելով վերջիններիս համառ դիմադրությանը, ստիպված բավարարեցին նրանց պահանջները²⁰։

1911 թ. զարնանը նրզկալում մանուսայագործները գործադուլ հայտարարեցին և պահանջեցին աշխատավարձի բարձրացում, Բայց ձեռնարկատերերը կարողացան խաբել անփորձ բանվորներին, բարձրացրին նրանց միայն մի փոքր մասի աշխատավարձը և դրանով պառակտեցին շարունակը²¹։ 1914 թ. զարնանը նրզկացիները դիմագրավեցին կառավարության հարկային հարստահարությանը և բողոք հղեցին մայրաքաղաք²²։

1912 թ. հունիսին Բիթլիսի ըմբոստացած կաշեգործները Կ. Պոլիս ուղարկած բողոքագրում նշում էին, որ կառավարությունը, փակելով կաշեգործական ձեռնարկությունները, տնտեսապես քայքայում է իրենց և դատապարտում աղքատության²³։

1912 թ. հունիսին Սվազի «Շարք» ընկերության գորգագործական ձեռնարկությունների բանվորները գործադուլ հայտարարեցին և պահանջեցին վերացնել տնտեսական կեղեքումը, քաղաքական իրավագրկությունն ու բռնությունները²⁴։ Նույն թվականի օգոստոսին Ավանցում բռնկվեց 250 բանվորների գործադուլը, որոնք պահանջեցին բարելավել իրենց նյութական դրությունը²⁵։ 1913 թ. սեպտեմբերին Կարինում բնակչությունը պայթար ծավալեց կառավարության հարկային հարստահարության դեմ։ Քաղաքի արհեստավորներն ու բանվորները, իմանալով, որ ֆինանսների մինիստրությունը կարգադրել է հարկերը հավաքելիս նիկոլայեան 100 ռուբլին ընդունել 95 ռուբլի, փակեցին իրենց կրպակները և ցույցի դուրս եկան։ Նրանք ներկայացուցիչներ ուղարկեցին կուսակալի մոտ և պահանջեցին վերացնել այդ կարգադրությունը։ Երկուու կրելով զնալքերի բարդացումից, կուսակալը կապվեց մեծ վեղիբի հետ և միջնորդեց վերահիշյալ կարգադրության վերացման մասին²⁶։ Չանցած երեք ամիս կարինցիներն ընդդիմացան կառավարության այն նոր օրենքին, որով անշարժ ունեցվածքից զանձվող հարկերը մեծացվում էին երեք անգամ։ Համառ պայքարից հետո կառավարությունը ստիպված եղավ առժամանակ հետաձգել նոր օրենքի կիրառումը։

19 «Մշակ», 1909, 6 հունիսի, № 119։

20 Տե՛ս «Աղատամարտ», 1909, 15 հուլիսի, № 20, 19 հուլիսի, № 23։

21 Տե՛ս «Աղատամարտ», 1911, 21 հունիսի, № 608։

22 Տե՛ս «Մշակ», 1914, 25 մարտի (№ 64)։ «Հորիզոն», 1914, № 65։

23 Տե՛ս «Բյուզանդիոն», 1912, 9 հուլիսի, № 4774։

24 Տե՛ս Ս. Սալամե-Գիլյան, Փոքր Հայքի հիշատակները, Զիկագո, 1917, մաս Ա, հ. 1, էջ 331—332։

25 Տե՛ս «Աշխատանք», 1912, № 39—86, էջ 4։

26 Տե՛ս ԻՍԻՔԱ, ֆ. «Քաղաքիսիվ», 1912—1914, ց. 482, գ. 1648, թ. 163։

Երբեմն, բաղադրալիս աշխատավորների ելույթները միահյուսվում էին գավառների գյուղացիական շարժումների հետ և ուղղվում տիրապետող բոլորույթյունների ու վայրագությունների դեմ։ Այդ տեսակետից բնորոշ էր Վանի ու նրա հարևան գավառների բնակիչների համատեղ ցույցը, որի առիթը Ադրասարի դպրոցների թեմական տեսուչ Ռաֆայել Երիցյանի սպանությունն էր։ Իմպերիալիստի կառավարման տարիներին նա ժողովրդանպաստ գործունեություն էր ծավալում, աջակցում էր գյուղական վարժարանների հիմնադրմանը, հոգում էր հայ ու քուրդ ազգաբնակչության կրթության ու լուսավորման մասին։ Խիզախում, Կարկառում, Սպարկեբուրում և դրանց հարևան շրջաններում կատարվող ոճրագործությունների կազմակերպիչ շեյխ Սեիդ Ալիին Երիցյանը առաջարկում է վերջ տալ «այդքան զուլում ավերածությունաց»²⁷։ Մոկեդեաժ շեյխը հրամայում է վերացնել նրան։ 1912 թ. հոկտեմբերի 11-ին, երբ Ռաֆայելն իր վեց ընկերներով այցելության էր գնում թեմի դպրոցները, Սեիդ Ալիի հրուսակները հարձակվում են նրա վրա և սպանում։ Այդ եղեռնագործության լուրն արագորեն տարածվում է Վասպուրականում։ Արևիկոթված գյուղացիությունը գավառներից լցվեց Վան և պահանջեց կուսակալ Իզզեթ բեյից պատժել հանցագործներին։ Ահանաւեսը գրում է. «Ձորս օրից ավելի է, ինչ քաղաքումս խուժի են հազարից ավելի գյուղացիներ շրջակա գավառներից, սրանք եկել են 2—4 օրվա հետո ճանապարհից»²⁸։ Կազաչից, Կարճկանից, Կարկառից, Խիզառից և Սպարկեբուրից և օրեցօր դարձյալ գալիս, ստվարանում էն։ Վանում պանդոկներ, հյուրանոցներ շինեց, ուստի այս հազարավոր անձների բազմությունը հյուրասիրվել է քաղաքի հայերի տներում, ամեն մի տուն ունի 1—5 հյուրեր»²⁹։ Երիցյանի թաղումը վերածվեց բողոքի հոգր ցույցի, որին մասնակցում էր 10 հազարից ավելի մարդ։ Ամբոխը պահանջում էր անհապաղ ձերբակալել Սեիդ Ալիին, հայկական գյուղերում նշանակել պահակներ, ազատել Կարկառում գտնվող բանտարկյալներին։ Սակայն իշխանությունները անտարբերության մատնեցին այդ պահանջները։ Ավելին, երբ գյուղացիները փորձեցին սեփական ուժերով վրեժ լուծել, իշխանությունները դաժան դատաստան տեսան նրանց հետ. ձերբակալեցին ու բանտ նետեցին տասնյակ մարդկանց։

Բացի Արևմտյան Հայաստանից, ազգային-ազատագրական ու սոցիալական ակտիվ պայքարով հանդես էին գալիս նաև կայսրության մյուս քաղաքների, հատկապես Կ. Պոլսի հայերը։ Ապրելով մայրաքաղաքում, նրանք սերտորեն կապված էին գավառի հետ և արևմտահայության կացության բարելավման համար հաճախ կազմակերպում էին զանգվածային ցույցեր։ Այդպիսի մի ցույց Կ. Պոլսի հայերը կազմակերպեցին 1912 թ. օգոստոսին, որի մասին «Մշակը» գրում էր. «մայրաքաղաքի ամեն թաղերէն հաւաքուած խուռն բազմութիւն մը, մեծ մասամբ գավառացիներէ բաղկացած, եկած էր ազգային ժողովին նիստին ներկայ ըլլալու և անկե պահանջելու համար, որ դորման տարուի գաւառացի ազգայնոց դժբախտ վիճակին... Ժողովողային յուզման այս նշանը խաղաղ ցույցի մը հանգամանքը առաւ, և կը լուսացուի, որ իր ազդեցութիւնը պիտի ունենայ... օսմ. կառավարութեան վրաս»³⁰։ Ցուցարար-

27 «Արևատանը», 1912, № 48—55, էջ 10։

28 «Մշակ», 1912, 4 նոյեմբերի, № 246։

29 «Մշակ», 1912, 2 սեպտեմբերի, № 194։

ներքի ճնշման տակ պատրիարքարանը դիմեց թուրքական կառավարության ներքին գործերի մինիստրին և երբ մերժում ստացավ, Կ. Պոլսի հայերը նոր ցույցեր կազմակերպեցին:

Մայրաքաղաքի հայության ելույթներն արձագանք էին գտնում ոչ միայն Թուրքիայի, այլև արտասահմանի մի շարք հայաբնակ քաղաքներում: 1912 թ. օգոստոսի 30-ին «Մշակը» գրում էր. «...Արտասահմանի և գաւառի հայերը աւելի սրտապնդող երևոյթի մը ակահատես ըրին զմեզ: Սօֆիայի և Ալեքսանդրիոյ, Զմիռնայի, Պարտիզակի, Օվաջըկի, Բողոստօյի միտինգները պատրիարքարանի դիմումներուն մեծապէս ուժ կուտային և կը միտէին ապացուցանելու, թէ պատրիարքարանին ազմուլը արուեստական չէր, այլ բուն ժողովրդային պահանջման հետեանք»³⁰:

Երիտթուրքերի կառավարման տարիներին ծավալվեցին նաև արևմտահայ գյուղացիական շարժումները, որոնք նախորդ տարիների համեմատությամբ որոշ չափով այլ բնույթի էին: Եթե Արդուլ Համիդի տիրապետության ժամանակ հայգուկային շարժումները համեմատաբար ուժեղ էին արտահայտվում, ապա 1908 թ. հեղաշրջումից հետո նրանք թուլացան: Հայգուկներից շատերը դուրս եկան թաքստատեղերից, իջան սարերից և հույս ունենալով, որ ստեղծվելու են կյանքի նորմալ պայմաններ, ղենքը վայր դրին ու անցան խաղաղ աշխատանքի. ոմանք բռնեցին մաճը, մյուսները՝ քաղաքի ճամփան, մի մասն էլ թողեց երկիրն ու անցավ արտասահման: Քչերը մնացին սարերում և շարունակեցին մաքառել թուրքական բռնությունների դեմ:

Մակայն երիտթուրքերի կառավարման տարիներին Արևմտյան Հայաստանում նոր թափ առան գյուղացիական շարժման մյուս ձևերը՝ բողոքներն ու զանգատները, հարկերից խուսափելն ու հրաժարվելը, ակտիվ ընդվզումներն ու ելույթները: Գյուղացիական այդպիսի շարժումներ բռնկվեցին երկրի գրեթե բոլոր շրջաններում, բայց առավել ակտիվ արտահայտվեցին Մուշի ու Սղերդի, Շատախի, Կարճկանի, Չարսանջակի, Բասենի, Կարկառի ու Աղյուշի շրջաններում:

Մուշի դաշտում տարագրությունից տուն վերադարձած հայերը պահանջեցին իրենց հողերը, բայց մերժում ստանալով, ղիմեցին երիտթուրքական իշխանություններին, 1912 թ. «Բյուզանդիոնը» գրում էր, որ գյուղացիների կողմից «կալվածական խնդիրներու համար սայլերով աղերսագրեր մատուցված է կառավարութեանը», ԱՄԷՆ օր հողային խնդիրներու համար 30—40 խնդրագիր կը տրուին»³¹:

Մուշի դաշտում առավել նշանավորը Չխուրի նահիի 33 գյուղերի բնակիչների ելույթն էր: 1908 թ. հեղաշրջումից անմիջապես հետո նրանք փորձեցին թոթափել ազալական լուծը, սակայն անհաջողության մատնվեցին: 1910 թ. գյուղացիները վերսկսեցին իրենց պայքարը և բազմաթիվ բողոքագրեր ուղարկեցին մայրաքաղաք, բայց կրկին անօգուտ: 1913 թ. օգոստոսին նրանք նորից ըմբոստացան, ներկայացուցիչներ ուղարկեցին Բիթլիս և պահանջեցին կամ գործնական օգնություն կամ արտագաղթի հնարավորություն: Կուսակալը գյուղացիների «սպաշտպանության» պատրվակով ղինվորներ ուղարկեց Չխուր և կարգադրեց ձերբակալել մի քանի «հանցագործներին»:

³⁰ «Մշակ», 1912, 11 սեպտեմբերի, № 209.

³¹ «Բյուզանդիոն», 1912, 24 հունիսի, № 4761 և 3 հունիսի, № 4769.

ներա զինվորները ձերբակալեցին անմեղ մարդկանց և շարիք դարձան շխուր-
ցիների համար: Դրանից հետո մշեցիները որոշեցին իրենց ուժերով լուծել
հարցը: Որոշ տեղերում նրանք վճռեցին աղաներին ու մուհաշիրներին և ետ
գրավեցին իրենց հողամասերը:

Սղերդի սանջակում գյուղացիական շարժումը ցայտուն արտահայտվեց
Ողմում: Այս գյուղն ուներ 100 տնտեսություն և շրջապատված էր բազմաթիվ
բրդական քնակավայրերով: Սկսած XV դարից Ողմը մարտում էր իր անկա-
խության համար: Արդույ Համիդի կառավարման տարիներին Բարվարի ու
Տենիսի (կամ Տինիսի) աղաները կարողացան իրենց լուծել ղենլ ողմցիների
վրա³², 1908 թ. հեղափոխությունից հետո գյուղացիները ոտքի կանգնեցին և
վերականգնեցին իրենց ազատությունը: Նրանք հրաժարվեցին աղաներին
հարկեր վճարելուց կամ պարտույթներ կատարելուց և բռնեցին իրենց հողե-
րից, Սակայն վերջիններս չուզեցան զրկվել Ողմից, նրա դեմ երկու արշա-
վանք կազմակերպեցին՝ 1908 թ. հուլիսին և 1909 թ. մայիսին: Առաջին ան-
գամ սպանվեց յոթ մարդ, իսկ երկրորդ անգամ՝ արժանի հակահարված ստա-
ցան ու ետ շարվեցին: Ողմը պահպանեց իր անկախ դրությունը³³:

1909 թ. մայիսին Շատախի հայտնի ավերիչ Միր Մհեն նոր հարձակում
կազմակերպեց Ողմի վրա: Չնայած համառ դիմադրությանը, գյուղացիները
պարտվեցին և բռնակալի վրեժխնդրությունից խուսափելու համար պատըս-
պարվեցին Մոկսի գյուղերում: Որոշ ժամանակից հետո վերադարձան Ողմ:
Սակայն 1912 թ. ամռանը նրանք ենթարկվեցին խիզախ տիրակալ շեյխ
Սեիդ Ալին հարձակմանը: Գյուղացիները ստիպված կանանց ու երեխաներին
ուղարկեցին Բարվարի բարեկամ բրդական գյուղերը, բարձրացան սարիւր և
պարտիզանական կոճով սկսեցին նրա դեմ: Նահանգական իշխանություններն
ի վերջո տենելով, որ շեյխն արդեն թալանել ու ավերել է Ողմը, հեռացրին
նրան այնտեղից, իսկ գյուղացիներին ետ վերադարձրին: 1913 թ. մայիսի կես-
երին շեյխ Սեիդ Ալին նոր հարձակում ձեռնարկեց Ողմի վրա: Գյուղացիները
հերոսաբար դիմադրեցին և մեծ զոհերի գնով պահեցին իրենց անկախու-
թյունը³⁴:

Կարճկանում գյուղացիական նշանավոր շարժում տեղի ունեցավ Ուրանց
գյուղում: Առիթն այն էր, որ ուրանցիները 1913 թ. հունիսին սպանեցին հա-
միդյան տարիներին իրենց կեղերող աղաներից մեկին: Սպանվածի հարա-
զատներն ու ցեղակիցները հարձակվեցին Ուրանցի վրա: 1913 թ. հունիսին
կողմերի միջև տեղի ունեցան թեժ կռիվներ: Հունիսի 15-ին քրդերը նոր հար-
ձակման անցան: Բայց ուրանցիները ոչ միայն ետ չարտեցին, այլև սպանե-
ցին նրանց աղաներին³⁵:

Աղլեւազում գյուղացիները համառ պայքար ծավալեցին Քյոռ Հյուսեին
փաշայի դեմ: Սահմանադրության հռչակումից մինչև 1911 թ. նրանք շուրջ
270 բողոքագիր ուղարկեցին մայրաքաղաք և հասան այն բանին, որ ստա-

32 Տե՛ս «Հայրենիք», 1923, № 11, էջ 129:

33 Տե՛ս «Մշակ», 1909, 6 հունիսի, № 119:

34 Տե՛ս «Վան-Տոսպ», 1913, № 21, էջ 250: «Բյուզանդիոն», 1913, № 5083: «Հայրենիք»,
1923, № 11, էջ 129: «Մշակ» 1913, 26 մայիսի, № 113:

35 Տե՛ս Մալխաս, Ճամբուս վրա, հ. Ա, Նյու-Յորք, 1950, էջ 160—163: Ուրանցի ղեկավար
մասին տե՛ս նաև «Մշակ», 1913, № 136, 147, 1914, № 148, «Բյուզանդիոն», 1913, 18 հուլիսի,
№ 5088, 30 հուլիսի, № 5098:

ցան իրենց հողերի մի մասն ու հարկադրեցին իշխանություններին ձերբակալել նրան: Սակայն շանցած երկու ամիս Քյոռ Հյուսիսին ազատվեց և, հովանավորվելով իթթիհատական պաշտոնյաներից, սկսեց կրկին խել գյուղացիներին հողաբաժինները, Բնակիչները դիմագրավեցին, որի շնորհիվ մի շարք տեղերում կարողացան պահել իրենց հողերը³⁶:

Շատախի Միծանց գյուղի բնակիչները դեռ 1908 թ. ամռանը ոգևորվելով սահմանադրության հռչակումից, հրաժարվեցին գրավցի աղաների հարկերի վճարումից: Աղաները հարձակվեցին նրանց վրա և փորձեցին ուժով հավաքել հարկերը: Գյուղացիները դիմեցին կառավարության օգնությանը, որը, սակայն, պաշտպանեց հարստահարիչներին³⁷, Դա չընկճեց շատախցիներին: 1909, 1910, 1911 թթ. նրանք բազմաթիվ բողոքադրեր ուղարկեցին երիտթուրքական իշխանություններին և պահանջեցին հեռացնել բռնակալներին իրենց բնակավայրերից, պայմաններ ստեղծել հանգիստ ապրելու և աշխատելու համար: Սակայն իթթիհատի պարագլուխները պատասխանեցին, թե գյուղացիների «բողոքներն անհիմն են ու թշնամական դիտաւորութեան արդիւնք»³⁸: Զայրանալով կառավարության այդ պատասխանից, շատախցիները 1911 թ. դարձան մեծ բազմությամբ լցվեցին Վան և պահանջեցին աղայական բրուկությունների վերացում: Նրանց ճնշման տակ կառավարությունը նույն թվականի մայիսին ձերբակալեց Շաքիր աղային, սակայն մեկ տարի անց՝ 1912 թ. դարձան ազատ արձակեց: Շաքիր աղան սկսեց շարժվել հարգար տեսնել գյուղացիների հետ: Գավառի բնակիչները նորից ըմբոստացան նրա դեմ: Մեծ բազմությունով նրանք գնացին Շատախի կենտրոն Թաղ գյուղը, բազմաթիվ բողոքադրեր գրեցին Վան, Կ. Պոլիս և իրենց համառ պայքարով ստիպեցին իշխանություններին՝ զսպել Շաքիր աղային: Թուրքական պաշտոնյաները նրան կանչեցին Վան, Շաքիրը շնորհալացաձև և երբ 1913 թ. սեպտեմբերին պաշտոնյաները ցանկացան բերման ենթարկել նրան, ոճրագործը դիմադրեց ու սպանվեց:

Զարսանջակում աղաները զրկել էին հայ գյուղացիներին հողից և դարձրել մարաբաներ: Երիտթուրքական հեղաշրջումից հետո Զարսանջակի 60 հայաբնակ գյուղեր իշխանություններից պահանջեցին վերջ դնել անցյալում կատարված անարդարությանը: Նրանք ներկայացուցիչներ ուղարկեցին մայրաքաղաք և բազմաթիվ բողոքադրեր հանձնեցին նոր կառավարիչներին: Իրենց հայրենակիցների գործին լծվեցին նաև պանդուխտ շարսանջակցիները: Բոստոնում նրանք դիմեցին Թուրքական հյուպատոսին, իսկ Ուստում հանգանակեցին 50 ոսկի, ուղարկեցին Կ. Պոլսի պատրիարքին, որ օա այդ զուամբը ծախսի Զարսանջակի հողային դատի վրա: Սակայն արդյունքի չհասան:

1910 թ. շարսանջակցիները նորից բարձրացրին հողային հարցը: Երիտթուրքական կառավարությունն առաջարկեց նրանց ստանալ 1000 ոսկի և այդ զուամբով հող գնել մի այլ տեղում: Սակայն գյուղացիները վճռականապես մերժեցին: Այն ժամանակ իթթիհատը հայտարարեց, որ շարսանջակցիների հողային հարցը կլուծվի բովանդակ երկրի հողային հարցի հետ միասին: Այդ հայտարարությունն, իհարկե, չէր կարող բավարարել գյուղացիներին, և՛

36 Տե՛ս «Բյուզանդիոն», 1909, 24 մարտի, № 3787, 1911, № 4572, 1912, 20 մարտի, № 4653, 4904; «Ալեքսանդր», 1911, № 33, էջ 3; «Վան-Տասպ», 1913, № 15, էջ 174:

37 Տե՛ս ԻԽԲԱ, ֆ. «Կ. Պոլսի գնապանություն», 1908, դ. 1595, ք. 150—156:

38 «Բյուզանդիոն», 1911, 8 հունիսի, № 4443:

ներանք 1911 թ. գարնանը սկսեցին ինքնակամ վարել ու ցանել աղանիքի կողմից հափշտակված իրենց պապենական հողերը: Աղանիքը գնացին դաշտ և վերավորեցին շուրս հողու: Չարսանջակի բնակիչները 1911 թ. մայիսին բողոքեցին Մեզիրեի կուսակալին: Լարված փճակը Չարսանջակում շարունակվեց նաև հետագա ամիսներին: Հովանավորվելով երիտթուրքերից, 1912 թ. հունիսին աղաներն սկսեցին դուրս բռնել հայ գյուղացիներին հարադատ վայրերից: Արտարված գյուղացիները 1913 թ. նորից բողոքեցին կուսակալին, բայց կուսակալը զանազան խոստումներով ցրեց նրանց:

Արևմտահայ գյուղացիները պայքարում էին նաև կառավարության հարկային հարստահարության դեմ: Նրանք հրաժարվում էին զինվորական տուրքից և պահանջում, որ նոր կառավարիչներն իրենց էլ զորակոչեն բանակ, հայտարարելով, թե «պատրաստ են զինվոր տալու, բայց տուրք չեն կրնար վճարել»³⁹: Համառ պայքարի հետևանքն այն եղավ, որ թուրքական կառավարությունը 1910 թ. օրենք հրատարակեց հայերին զորակոչելու մասին:

1908 թ. հետո Արևմտյան Հայաստանում ծավալվում են նաև քրդական գյուղացիական շարժումները: Քրդերը նույնպես ձգտում էին ազատվել աղաների կեղերումներից, հրաժարվում էին պետական հարկերից ու վճռում պաշտոնյաներին: 1908 թ. ամռանը Վանի սանջակում շեմսեջի քրդերը պահանջեցին իրենց հողերը և, մերժում ստանալով, հարձակվեցին աղայի վրա ու շարդեցին նրա ղուլամներին: Աղան դաժանորեն ճնշեց նրանց երույթը: Պայքարը վերսկսվեց 1910 թ. և վերջացավ գյուղացիների պարտության:

Աղբյուրազում բուրգ գյուղացիները Քյոո Հյուսիսից պահանջեցին իրենց հողերը: Երբ փաշան սպառնաց արտաքսումով, նրանք ներկայացուցին ուղարկեցին Վան ու բողոքեցին կուսակալին: 1910 թ. «Աղատամարտ», խոսելով բուրգ գյուղացիության երույթների մասին, գրում էր. «Այսպիսի երեվույթներ մեկով-երկուսով չեն որ Վասպուրականի մեջ երևան կուզան, տասնյակներով, հարյուրներով կը համբվին»⁴⁰:

Երիտթուրքերի կառավարության դեմ ըմբոստանում էին նաև թուրք գյուղացիները: Բասենիում 1911 թ. սկզբներին նրանք բողոքեցին պետական հարկային հարստահարման դեմ, հեռագիր ուղարկեցին մայրաքաղաք և պահանջեցին հարկերի թեթևացում ու ապառքների վերացում: Համառ պայքարով նրանք հասան իրենց նպատակին: Բասենցիների օրինակին հետևեցին Թուրթումի ու Նամրվանի թուրքերը, որոնք նույնպես հասան որոշ հաջողության: 1912 թ. Արևմտյան Հայաստանի մի շարք շրջաններում թուրք գյուղացիները զանգվածաբար ղիմագրավեցին, երբ կառավարությունը փորձեց 25%-ով բարձրացնել կալվածատիրական տուրքը⁴¹:

Կառավարության հարկային հարստահարման դեմ ընդվզեցին նաև ասորիները: Ջուլամեիկում նրանք հայտարարեցին, որ իրենք չեն վճարի պետական հարկերն այնքան ժամանակ, քանի զեռ չեն բավարարված անհրաժեշտ հողակտորներով: 1910 թ. գարնանը զավառապետը պահանջում էր երկու զուամարտակ ու երկու թնդանոթ ասորիների ղիմագրությունը ճնշելու և տուրքերը հավաքելու համար⁴²:

³⁹ «Բյուզանդիոն», 1909, 11 մարտի, № 3776:

⁴⁰ «Աղատամարտ», 1911, 18 օգոստոսի, № 658:

⁴¹ «ՏԵՍ՝ «Մշակ», 1912, 13 հունիսի, № 127:

⁴² «ՏԵՍ՝ «ՄՊԱ», № 321, ց. 2, գ. 492, թ. 196, 198:

Իթիքիհատի կառավարման տարիներին Արևմտյան Հայաստանում շարունակվեցին նաև զինվորական հուզումները։ Անցնելով իշխանություն գլուխ, նոր կառավարիչներն առաջվա նման թողեցին զինվորների իրավազուրկ և շարքաշ պայմաններում։ Երիտթուրքական բանակում ավելի անտանելի էր հայերի դրությունը։ Զորակոչվելով ծառայության, հայերն օրենքով պետք է օգտվեին այն իրավունքներից, ինչ մահմեդականները։ Բայց իրականում նրանք ստորացվում էին, արհամարհվում որպես գյավուրներ, ենթարկվում ծաղրածանակի։ Մահմեդականները հաշտվել չէին կարողանում այն մտքի հետ, որ երեկվա ստրկական վիճակում գտնվող ռայաներն իրենց հավասար զենք կրեն և համարվեն օսմանյան Թուրքիայի լիիրավ ռազմիկներ։ Թուրք սպաները վիրավորում էին հայերի ազգային ու կրոնական զգացմունքները, ստիպում կատարել ամենաձանր ու ստորացուցիչ աշխատանքները, իսկ շենթարկվելու դեպքում ծնծում ու բանտարկում էին նրանց։

Նվ հայերը դիմագրավում էին այդ բռնությունները։ Շատերն ազատվում էին զորակոչից փողի օգնությամբ։ Կառավարությունը խրախուսում էր այդ, քանի որ յուրաքանչյուր զինակոչիկի դիմաց ստանում էր 50 լիրա։ 1910 թ. միայն մեկ շաբաթվա ընթացքում Կարինի պետական գանձարան այդ ճանապարհով մուտք գործեց 1500 լիրա⁴³։ Հայ երիտասարդների մի մասն էլ լքում էր թուրքական բանակն ու փախչում, արհամարհելով փախստականների համար սահմանված պատիժները կամ գերադասելով դրանք բանակի սարսափելի պայմաններից։ Իսկ բանակում ծառայողները միտինգներ էին գումարում, պահանջում իրենց վիճակի բարելավում, զավառներում հարազատների նկատմամբ գործադրվող վայրագությունների վերացում, հղում էին իրենց բողոքները մայրաքաղաք, սպառնալով, որ հարցի բացասական լուծման դեպքում իրենք «կգցեն զենքերը»⁴⁴։

Ըմբոստանում էին նաև թուրք զինվորները։ 1909 թ. մայիսի սկզբներին էրզրումում, ինչպես նշում էր ռուսական գլխավոր հյուպատոս Սկրյաբինը, նրանք ուղղակի ապստամբություն բարձրացրին և համարյա մեկ ամիս քաղաքը պահեցին իրենց ձեռքում։ Զինվորական հրամանատարությունը մեծ զոհվարությամբ ճնշեց նրանց կույթը, ձերբակալեց ղեկավարներին ու դատի տվեց։ Շարժման պատճառն այն էր, որ զինվորները վատ էին սնվում և երկար ժամանակ վարձ չէին ստանում⁴⁵։ Նույն հողի վրա 1913 թ. աշնանը զինվորական ընդվզումներ տեղի ունեցան նաև Շրգնկայում, Սղերզում, Վանում։ Իշխանությունները զոհվարությամբ կարողացան ճնշել դրանք։

Այսպիսով, Արևմտյան Հայաստանի ինչպես քաղաքների բնակիչների, այնպես էլ գյուղացիների ու զինվորների շարժումներն առաջանում էին տարերայնորեն և տարբեր ժամանակներում։ Նրանք չունեին ընդհանուր ղեկավարություն և իբրև կանոն կտրված էին միմյանցից։ Արհեստավորների ու բանվորների կույթները համեմատաբար ազտիվ էին զրսևորվում արդյունաբերական կենտրոններում, իսկ գյուղացիական շարժումներն այն շրջաններում, որտեղ ֆեոդալական բռնություններն ու շահագործումն արտահայտվում էին ամենավայրագ ձևերով (Վանի, Բիթլիսի, Դիարբեքի ու մասամբ Խարբերդի

43. ՏԵՍ ԲԱՐԱ, ֆ. «Փաղարիվ», 1910, ց. 482, գ. 1646, թ. 20.

44. «Մշակ», 1912, 26 դեկտեմբերի, № 285.

45. ՏԵՍ ԲԱՐԱ, ֆ. «Փաղարիվ», 1903, ց. 482, գ. 1645, թ. 116.

կուսակալություններում), Ի տարբերություն համիդյան կառավարության տարիներին, երիտթուրքերի իշխանության ժամանակ դասակարգային պայքարի մեջ ներգրավվեցին ավելի շատ գավառներ ու գյուղացիական ավելի լայն զանգվածներ: Կործնելով, որ հեղաշրջումը կատարվել է արդարությունը վերականգնելու և շարք պատժելու համար, գյուղացիներն այժմ հանդես էին գալիս ավելի համարձակ ելույթներով: Սակայն նրանց ելույթները իթթիհատական իշխանությունների օնակցիոն քաղաքականության հետևանքով առաջվա նման ավարտվում էին պարտությունով:

3. ԱՐԵՎՄՏՅԱՆ ՀԱՅԱՍՏԱՆԻ ՃՆՇՎԱԾ ԺՈՂՈՎՈՐԴՆԵՐԻ ՀԱՄԱԳՈՐԾԱԿՑՈՒԹՅԱՆ ՀԱՐՑԸ

Համիդյան բռնապետությունը զնալով անտանելի էր դառնում ոչ միայն նրա տիրապետության տակ ընկած այլազգի ժողովուրդների, այլև իրենց՝ թուրքերի համար: Թուրքական նորելուկ բուրժուազիան ձգտում էր որոշ քաղաքացիական մտցնելու ճանապարհով թուլացնել սուլթանի միահեծանությունը և ամրապնդել իր դիրքերը երկրի տնտեսական ու քաղաքական կյանքում: Այդ նպատակին հասնելու համար «Միություն և առաջադիմություն» կուսակցության ղեկավարները փորձեցին օգտագործել նաև ոչ թուրք ժողովուրդների ընդդիմադիր ուժերը: Այդ կուսակցության պարագլուխները՝ Ահմեդ Ռիզա բեյը, Հիլմի Թունալը և Շենֆիկ բեյը 1895—1897 թթ. այցելեցին «Դրոշակի» խմբագրություն, ծանոթացրին դաշնակցության ղեկավարներին միդհատյան սահմանադրությանը, առաջարկեցին միացյալ ուժերով Թուրքիայում հաստատել սահմանադրական միապետություն: 1902 թ. փետրվարին Փարիզում երիտթուրքերը զումարեցին իրենց առաջին կոնգրեսը և ի թիվս այլ ընդդիմադիր ուժերի, հրավիրեցին նաև հայ քաղաքական կուսակցությունների ներկայացուցիչներին: Հնչակյանները հրաժարվեցին մասնակցել, իսկ դաշնակցականներն ընդունեցին այդ հրավերը:

Եարունակելով համագործակցության փորձերը, երիտթուրքերն ու դաշնակցականներն Արևմտյան Հայաստանում ստեղծեցին երիտթուրքական կոմիտեներ, իսկ 1906—1908 թթ. սկսեցին հրատարակել Վանում «Արշալույս» («Սարահ յուլ խայր»), իսկ Մուշի սանջակի Առինջ գյուղում՝ «Ազատություն» («Հուրիթ») խմբագրող թերթերը: Այդ թերթերում քննադատվում էին կառավարության հարկային հարստահարումները, պաշտոնյաների շարաշահումները, խրախուսվում էին ժողովրդական ըմբոստացումները և այլն:

1907 թ. Վիննայում գաշնակցության 4-րդ համագումարում որոշվեց հրավիրել թուրքական զոգճ տարրերի համաժողով և լուծել նրանց միավորման հարցը: Շուտով «Դրոշակի» խմբագրությունը դիմեց Ահմեդ Ռիզա բեյին ու Սաբահեդդինին, առաջարկելով հավաքվել կոնգրեսի ու մշակել համատեղ գործողությունների պլան: Նրանց համաձայնությունը ստանալուց հետո ստեղծվեց կոնգրեսի նախապատրաստման հատուկ հանձնաժողով: Ի վերջո 1907 թ. դեկտեմբերի 27-ին Փարիզում հրավիրվեց Թուրքիայի ընդդիմադիր կուսակցությունների ու խմբերի կոնգրես: Կոնգրեսն ընդունեց ղեկավարացիա, որի մեջ շեշտվում էր համիդյան ռեժիմի տապալման անհրաժեշտությունը: Դեկլարացիայում ազդարարվում էր. 1. դաժնեկեց անել Արդուլ Համիդին, 2. արմատապես փոխել գոյություն ունեցող կարգերը, 3. հաստատել